

## Publicaziuns FUS per ils 25 d'ust 2017

### Damonda da baghegiar nr. 45/17

Datum da publicaziun: ils 25 d'ust 2017

Proprietaris: Kurt + Mengia Frei-Caduff  
Langackerstrasse 29  
8952 Schlieren

Object: Midar curtgin en parcadis, parcella 3173, Tavanasa

La damonda da baghegiar ei exponida sin canzlia communal. L'investa publica cuoza 20 dis dapi il datum da publicaziun.

**Eventualas protestas encunter presenta damonda da baghegiar ein d'inoltrar alla suprastonza communal enteifer 20 dis dapi il datum da publicaziun.**

**Suprastonza communal Breil**

### ADATG!

#### Uffeci da baghegiar

Midadas internas, sco per exempel far ord duas habitaziuns mo ina ni erreger studios, sto vegnir inoltrau alla vischnaunca cul formular da baghegiar official. Vinavon basegna ei en certs cass era ina lubientscha dalla polizia da fiug. La damonda vegn tractada sco damonda pintga sch'ei dat buca midadas vid la fatschada. **L'informaziun alla vischnaunca ei denton tuttina obligatoria!**

**Administraziun communal Breil**

### ADATG!

#### Midadas d'adresa enteifer la vischnaunca

Tgi che mida dimora enteifer la vischnaunca ei obligaus d'annunziar quei **enteifer 8 dis** all'administraziun communal. Nus stuein informar divers uffecis (taglia, militer eav.) e perquei eisi impurtont che buca mo la posta vegni informada, mobein era la vischnaunca.

**Ils giuvenils che laian tarmetter vinavon la posta a casa tiels geniturs ein tuttina obligai da dar atras alla vischnaunca l'adresa nova. Tier la controlla da habitonts eisi impurtont nua che la persuna sesanfla e buca nua che la posta va.**

Nus supplichein da prender enconuschiantscha ed engraziein per la collaboraziun.

**Administraziun communal Breil**

## **Lavur cumina**

La primavera 2017 han las lavurs vid la senda culturala naven dil tschancun Val Mulin a Dardin entochen Breil Baditschus entschiet en. Igl ei d'ereger mirs schetgs e manteniment dalla via. Per saver exequir quellas lavurs san singuls, gruppas sco era uniuns s'annunziar per far lavur cumina.

Ulteriur sclariment survegnis tier Roman Cathomas (078 860 03 01). Annunzias san medamamein vegnir fatgas tier el.

**Suprastonza communal Breil**